

# Grans mestiers m?es razonamens

*Bdt* 406,30

Mss.: **A** 206, **D** 137, **H** 42, **To** 1.

Metrica: a8, b8, c8, d8, e7?, f7?, g10, h6?, i10?. Cinque *coblas unissonans* di nove versi e una *tornada* di tre versi.

Rime: a, d: -ens; b, c: -i; e, f: -anssa; g: -atz; h, i: -atge.

Edizioni precedenti: Andraud, 1902, p. 143, Topsfield, 1971, p. 330, Riquer, 1972.

- letto 279 volte

## Edizioni

- letto 191 volte

## Topsfield

I.

Grans mestiers m?es razonamens

qu?ieu a Mataplana envi,

pois N?Ugetz m?a mes el cami

de dire motz braus e cozens.

E car m?a ses desfianssa

cantat sol per devinanssa

d?aisso don eu non sui gair? encolpatz,

mas trop n?a pres gran gatge

segon q?ieu ai faich petit de follatge.

II.

Anc trobars no·m fon desplazens,

ni chan ni solatz non desfi,

ni moiller non longiei de mi

per conseil de menudas gens;

q?ieu non ai d?als esperanssa

mas d?amor et alegranssa,

et en dompnei ai mes tans bels percatz

e tant cortes usatge,

qe·il drut de sai m?en porton seignoratge.

III.

Ja nuills Catalans avinens  
no·s taing per aisso m?atahi,  
que cavalliers q?en pretz se fi  
deu laisser, so·ns mostra jovens,  
moiller que pren per enfanssa;  
mas si sa dompna l?enanssa  
tant qe·l prenda, estre deu estacatz  
d?un certan homenatge,  
qe ja nuill temps non seg? autre viatge.

IV.

Ja·l reproviers non l?er garens  
a N?Huget qe·m dis en lati;  
que de lui dizon siei vezi  
q?en aisso es desconoissens,  
qe per amor de Na Sanssa  
estai, c?aillors no·is bobanssa;  
e puous q?el vol estre totz moilleratz,  
ja no·i aiam dampnatge  
nos autre drut que seguem dreich viatge.

V.

La dompna q?es bell? e plazens  
lais Dieus venir lai on hom ri,  
et el nostr?alberc atressi  
nos don cortejadors plazens  
ab moiller qe·ns fass? honranssa;  
et ieu non ai d?als fianssa,  
mas dels bels digz ab avinen solatz  
e l?amoros visatge  
qe son dels huoils al cor privat messatge.

VI.

Na Sanssa, dompna, prec vos qe castiatz  
N?Uget de dir follatge,  
q?ieu·m lais per vos que plus fort no l?engatge.

- letto 224 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911  
CF 80209930587 PI 02133771002

---

**Source URL:** <https://letteraturaeuropea.let.uniroma1.it/?q=laboratorio/grans-mestiers-m%E2%80%99es-razonamens>